

**MAANITOOPA MAAMAWICHIGEWIN GAKINA ANISHINAABEG
OGIKINOO'AMAAGEWINIWAA MAZINIBII'IGAN ONJI GAKINA GICHI
GIKINOO'AMAAGEWINAN**

JI MINOSEMAGAK ANISHINAABE GIKINOO'OMAAGEWIN JI ISHPENDAAGOK

Giinawind, Gichi gikino'amaagewinan gaye gikino'amaagewigamik awiyag Maanitooba, mino waawinjigaadewan miinigowiziwinan ini Anishinaabeg Gikino'amaaganag zhigo gikino'amaageg gaa biitoowaad izhi gikino'amaagewigamigong, dago Anishinaabe gikendamowin gaye nibwaakaawini aanike dibaajimowinan, gikino'amaaganag zhigo gikino'amaagewinan ji gikino'amaageng. Onowegichi apiitendaaganoo aabajijiganan ji niigaani Anishinaabewi gikino'amaageng zhigo ji ani naginigaadek gikino'amaagewi ayaawin onji gakina gikino'amaaganag Maanitooba.

Gi nisidawinaamin ini bakaan inendamowinan gaye debwetamowinan ingi Anishinaabeg, Aabita wizhaanag zhigo Eshkiimeg gikino'amaaganag baabakaanini iwe aanike bimaadiziwin, izhitwaawin, inwewinan, naanaagadawendamowin, anishinaabewitwaawin gaye gikendamowin. Gi nisidawinaamin ini miigiwewinan onji gakina Anishinaabeg, Anishinaabeg, Ininiw, Anishiiwinini, Dene, Bwaan, Eshkiime gaye Aabita wizhaan Inakaanizag.

Gi nisidawinaamin Inikaanizag izhi Inikaanizag inawendiwinan bamijigaadewan imaa Ago'idiwining, Anishinaabeng zhi Ago'idiwin dibendamowinan Kaanata Gichi Onashowewining, gaye gakina Anishinaabewi nisitodamowinan dibendamowinan, debenjigewin, gaye Ago'idiwinan. Gete majenimewinan gaye mooniyaa izhichigewinan ogii gibishkaanan ono inawendiwinan gaye dibendamowinan, -dash giyaabi gibishkaagewan Kaanata noongom.

Gi nisidawinaamin gaye gi bamitoomin ji ganwenjigeyang ji izhichigeyang e gikino'amaagewi Niigaanishkamang jiwijitwaayang gaye ji gaanjishkamang ji ayaamagak gikino'amaagewin onji Gakina Anishinaabeg, imaa UN Declaration on the Rights of Indigenous Peoples.

Gi bamitoomin giizhendawin onji Gakina Anishinaabeg gaye ingi egaa gaa Anishinaabewiwaad awiyag Maanitooba, nandawendaagon ozhichigaadewin gaye ganawenjigewin inawenjiganan zhigo wijiwewinan. Amii owe da mashkawaa manaajiwewin dago apiitendamowin onji gakina naanaadok inaadiziwinan. Owe ji zoongak gaye ji bamijigaadegin maamawi ayaawining ji onji gaganooniding onji aanike bimaadiziwin gaye maamawi niigaanakiing. Owe jinaagadawenjigaadeg Debwewin gaye Giizhendawin Bimijigewin Kaanata Giikidowin izhi Doodamowin onji gikino'amaagewin imaa Baashkaawano Giizis, niizh inagizod, niizhwaak zhi midaaso zhi naanan. (June 2, 2015)

**ODIBENJIGEG GICHI GIKINOO'AMAAGEWIGAMIKONG
AZHODAMAAGEWAG JI:**

Bezhiig. Ji maamawi anoonidwaa gakina Anishinaabeg goyak zhigo weweni ji wiindanokiimindwaa zhigo ji gikenjigaadek ganawaabandiziwon, ji gaanjisek giizhendawin, inwewinan, izhitwaawin izhi gikino'amaagewin, naanaadok gikenjigewin zhigo anokiwining onji ji gikenjigaadeg;

Niizh. Ji aabajijigaadeg Anishinaabe gikendamowin zhigo inwewinan, nibwaakaawi aanike dibaajimowinan, gikino'amaaganag zhigo nanaadok gikino'amaagewinan ji aabajichigaadegin gikino'amaageng;

Niswi. Ji wijiigemagak nanaadok gikenjigewin gaye gikino'amaagewin ge nagadawenjigaadek aanike bimaadiziwin gaye noongom bimaadiziwin onji gakina Anishinaabeg;

Niiwin. Ji ayaamagakin wijiitwaawinan, gikino'amaaganag, zhigo ji wijiindwaa gakina Anishinaabe gikino'amaaganag, ji ayaak gikino'amaage zhaaboshkamowin;

Naanan. Ji maamawi anokiing onji gikino'amaaganag ji wiinjyangidwaa gakina Anishinaabe gikino'amaaganag;

Ngodwaaso. Ji ayaagin gakina gikino'amaagewin egaa ji ayaak zhiingenjigewin, ji apiitendamang babakaan inaadiziwin zhigo ji bamitoooyang izhitwaawin goyak;

Niizhwaaso. Ji nagisigin zhigo ji dibaakonigaadegin Anishinaabe gikino'amaagewigamik zhigo gichi gikino'amaagewigamik ji maamawi ayaang zhigo ji zhaaboshkamowaad;

Nishwaaso. Ji waabanjigaadek Anishinaabeg gikino'amaaganag zhigo gikino'amaageg gaa gii zhaaboshkamowaad;

Zhaangaso. Ji naanaagadawenjigaade baabakaan inaadiziwin onji Gakina Anishinaabeg, Eshkiimeg, zhigo Aabita wizhaanag odizhitwaawiniwaa Maanitooba onji gikino'amaagewi onashowewin zhigo Odanokiig odizhichigewiniwaa gaye onoojichigewiniwaa

Midaaso. Ji maamawi ganoonidwaa ogimaawiwon zhigo godagiyag gaa anoki'iwewaad ji nangitoowaad ji mazine'ige'indwaa Anishinaabeg gaa giizhitoowaad gikino'amaagewin.

Odibenjigeg obamitooanawaa owe mazinibii'igan. Imaa baabehzigwon gikino'amaagewin, gi dashodamaagemin maamawijigewin anokaajigan, anokiwin zhigo ganawaabanjigaade iwe izhichigewin, inakoniganan gaye noojichigewinan imaa gi gikino'amaagewininaanan zhigo ayaawining ji gaanjise Gakina Anishinaabeg gikino'amaagewin zhigo giizhindawin. Ono onashodamaagewinan ji inisingin ako naano aki Maanitooba Gakina Anishinaabeg Gikino'amaagewin Maamawijigewin Mazine'ige'igan Anokaajigan Izhichigan ji doojigaadek Niizhwaak shi Midaaso shi Ngodwaaso.

Mr. Mark Frison, *President*
Assiniboine Community College

Mr. Ken Cameron, *President*
Manitoba School Boards Association

Dr. David T. Barnard, *President and Vice-Chancellor*
University of Manitoba

Dr. Gervan Fearon, *President and Vice-Chancellor*
Brandon University

Mr. Paul Vogt, *President and CEO*
Red River College

Dr. Annette Trimbee, *President and Vice-Chancellor*
University of Winnipeg

Dr. Cheryl Pauls, *President*
Canadian Mennonite University

Dr. Gabor Csepregi, *President*
Université de Saint-Boniface

Mr. Paul Holden, *President and CEO*
Manitoba Institute of Trades and Technology

Mr. Konrad Jonasson, *President and Vice-Chancellor*
University College of the North